



Broj: 01-05-30-3299-9/22
Tuzla, 30.08.2022. godine

Na osnovu člana 123. stav (7) Zakona o izvršenju krivičnih sankcija u Federaciji Bosne i Hercegovine („Službene novine Federacije BiH“, broj: 44/98, 42/99, 12/09 i 42/11) i člana 23. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj: 49/05 i 103/21), uz prethodno pribavljenu saglasnost Federalnog ministarstva pravde broj 04-45-2326/22 od 27.07.2022. godine, Kazneno-popravni zavod poluotvorenog tipa u Tuzli, objavljuje

JAVNI OGLAS
za popunu radnog mjesta namještenika
u Kazneno-popravnom zavodu poluotvorenog tipa u Tuzli

I

U skladu sa odlukom direktora Kazneno-popravnog zavoda poluotvorenog tipa u Tuzli broj: 01-05-30-3299-7/22 od 30.08.2022. godine, za popunu upražnjenih radnih mjesta namještenika putem javnog oglasa, Kazneno-popravni zavod poluotvorenog tipa u Tuzli javnim oglašavanjem vrši prijem namještenika:

➤ **Sektor za poslove osiguranja:**

Pozicija: 01. Zatvorski policajac-stražar- pripravnik (ženskog spola).....2 izvršioca

Opis poslova:

- vrši poslove osiguranja u skladu sa uputstvom o radu za svako stražarsko mjesto, utvrđene članom 134. Zakona o izvršenju krivičnih sankcija u Federaciji BiH, članom 4. Pravilnika o načinu vršenja službe osiguranja, naoružanju i opremi, upotrebi vatrenog oružja, službenoj legitimaciji i obliku uniforme zatvorske policije, Pravilnikom o unutrašnjoj organizaciji Kazneno-popravnog zavoda poluotvorenog tipa u Tuzli i naređenjima direktora, i
- vrši i druge poslove po nalogu neposrednog rukovodioca

Uslovi za vršenje poslova:

Pored općih uslova propisanih članom 24. Zakona o namještenicima u organima državne službe u Federaciji Bosne i Hercegovine, kandidat treba ispunjavati i sljedeće posebne uslove propisane Pravilnikom o unutrašnjoj organizaciji Kazneno-popravnog zavoda poluotvorenog tipa u Tuzli i to: SSS, gimnazija, ekonomska ili neka druga srednja škola društvenog ili tehničkog smjera i da nije stariji od 25 godina na dan objavljivanja javnog oglasa.

Pripadajuća osnovna neto plaća iznosi 80% VII platnog razreda, radnog mjesta zatvorski policajac-stražar, koeficijent 2,70 pomnožen sa osnovicom utvrđenom u skladu sa zakonom.

II

U svrhu dokaza o ispunjavanju općih uslova utvrđenih u članu 24. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj: 49/05 i 103/21), kandidat je uz prijavu za na Javni oglas za popunu upražnjenog radnog mjesta

namještenika u Kazneno-popravnog zavodu poluotvorenog tipa u Tuzli (u daljem tekstu: Javni oglas) dostavljenu na obrascu koji je prilog ovog Javnog oglasa (prijavni obrazac), dužan dostaviti sljedeću dokumentaciju (original ili ovjerenu kopiju ne stariju od tri mjeseca):

- (1) **Izvod iz matične knjige rođenih;**
- (2) **Uvjerenje o državljanstvu** (ne starije od šest mjeseci od dana isteka roka za prijavu na javni oglas);
- (3) **Dokaz o završenoj stručnoj spremi** (diploma o završenom srednjem obrazovanju ili svjedočanstvo o završenom obrazovanju iz kojih se vidi da je sa uspjehom završio obrazovanje i stekao potrebno zvanje u skladu sa uslovima iz javnog oglasa);
Napomena: Neće se uzeti u razmatranje prijave kandidata koji kao dokaz o traženom obrazovanju dostave svjedočanstvo o završenom I, II, III i IV razredu srednje škole, a uz navedena svjedočanstva ne dostave diplomu ili uvjerenje o završenom obrazovanju ili svjedočanstvo o završenom obrazovanju;
- (4) **Izjava kandidata da nije obuhvaćen odredbom člana IX-1 Ustava Bosne i Hercegovine;**
- (5) **Izjava kandidata da u posljednje dvije godine od dana objavljivanja Javnog oglasa nije otpušten iz ograna državne službe kao rezultat disciplinske kazne na bilo kojem nivou vlasti u Federaciji Bosne i Hercegovine** (ovjerena kod nadležnog organa koji vrši ovjeru potpisa, nakon objave Javnog oglasa).

III

- (1) Izabrani kandidat će prije donošenja odluke o zasnivanju radnog odnosa biti obavezan dostaviti uvjerenje da ima opću zdravstvenu sposobnost za obavljanje poslova radnog mjesta izdato od nadležne zdravstvene ustanove i proći provjeru zdravstvene i psihofizičke sposobnosti u skladu sa članom 129. Zakona o izvršenju krivičnih sankcija u Federaciji Bosne i Hercegovine („Službene novine Federacije BiH“, broj: 44/98, 42/99, 12/09 i 42/11) u nadležnoj zdravstvenoj ustanovi u koju će ga uputiti Kazneno-popravni zavod poluotvorenog tipa u Tuzli. U slučaju da izabrani kandidat ne ispuni naprijed navedene uslove, bit će odabran drugi kandidat sa Liste uspješnih kandidata.
- (2) Izabrani kandidat dužan je dostaviti uvjerenje da se protiv njega ne vodi krivični postupak (ne starije od 3 mjeseca).
- (3) Zatvorski policajac-stražar, pripravnik prima se u radni odnos na period od 6 (šest) mjeseci, nakon čega je dužan pristupiti polaganju stručnog ispita za zvanje zatvorskog policajca-stražara.
- (4) Zatvorski policajac-stražar, pripravnik, koji položi stručni ispit za zvanje zatvorskog policajca-stražara rasporedit će se na poslove i zadatke zatvorskog policajca-stražara na neodređeno vrijeme.
- (5) Zatvorskom policajcu-stražaru, pripravniku, koji ne položi stručni ispit za zvanje zatvorskog policajca-stražara prestaje radni odnos, nakon čega će biti odabran drugi kandidat sa Liste uspješnih kandidata.
- (6) Lista uspješnih kandidata čuva se do konačnosti rješenja o raspoređivanju zatvorskog policajca-stražara na neodređeno vrijeme.

IV

- (1) Sa kandidatima koji ispunjavaju sve uslove iz predmetnog javnog oglasa direktor Kazneno-popravnog zavoda poluotvorenog tipa u Tuzli ili posebno formirana komisija obaviti će intervju.
- (2) Cilj intervjuja iz prethodnog stava jeste provjera da li kandidat raspolaže osnovnim znanjima o organizaciji i radu Kazneno-popravnog zavoda poluotvorenog tipa u Tuzli, te općim znanjima i vještinama koji su potrebni za obavljanje poslova na radnom mjestu za koje se kandidat prijavio.
- (3) Za kandidata koji u zakazano vrijeme ne pristupi na intervju će se smatrati da je odustao od prijave na Javni oglas.
- (4) Nakon završenih intervjuja, a na osnovu biografije kandidata i pokazanog znanja na intervjuu će se donijeti odluka o prijemu namještenika u radni odnos u Kazneno-popravnog zavodu poluotvorenog tipa u Tuzli.

V

- (1) Javni oglas ostaje otvoren 15 (petnaest) dana od dana objavljivanja u dnevnim listovima „Dnevni avaz“, „Oslobođenje“ i „Dnevni list“.

- (2) Prijavni obrazac može se preuzeti na službenoj internet stranici Kazneno-popravnog zavoda poluotvorenog tipa u Tuzli: <https://kpztuzla.gov.ba/> ili pisarnici Kazneno-popravnog zavoda poluotvorenog tipa u Tuzli, ul. Mirze Delibašića broj 1, 75000 Tuzla.
- (3) Prijava kandidata koja se ne dostavi na propisanom obrascu koji je prilog ovog Javnog oglasa i koja ne bude potpisana biće odbačena kao neuredna.
- (4) Prijava kandidata koji na prijavnom obrascu ne potpiše Izjavu o davanju saglasnosti za obradu ličnih i posebnih podataka u postupku Javnog oglasa će biti odbačena kao nepotpuna i neuredna.

VI


Uredno popunjen i potpisan prijavni obrazac sa potrebnim dokazima (dokumentacijom) o ispunjavanju uslova koji se traže Javnim oglasom treba dostaviti u roku od 15 (petnaest) dana od dana objavljivanja Javnog oglasa u dnevnim listovima „Dnevni avaz“, „Oslobodjenje“ i „Dnevni list“ isključivo putem pošte, preporučeno na adresu:

**KAZNENO-POPRAVNI ZAVOD
POLUOTVORENOG TIPRA U TUZLI
Ul. Mirze Delibašića br. 1
75000 TUZLA**

sa naznakom

**„Javni oglas za popunu radnog mjesta namještenika –
Zatvorski policajac-stražar pripravnik (ženskog spola) – NE OTVARATI.“**

Nepotpune i neblagovremene prijave neće se uzimati u razmatranje.



Mr. Jasmin Omerbegović